

Бахиллик ва бахиллар ҳақида гап кўп



11:00 / 22.08.2022 5910

Диана Ди Прима ўзининг «Хитой афсоналари» номли китобида келтиради:

«Қадим замонда бир ўтинчи бор эди. Унинг ҳаётда энг яхши кўрган нарсаси пул эди. У ўрмондан ўтин йиғиб келиб сотар, унинг пулини сандиққа жойлар эди. Сандиқ фақатгина пул солиниш учун очилар эди. Ундан ҳеч қачон пул олинмас эди.

Бир куни ўтин териб юрганида унга йўлбарс ҳужум қилди. Ундан қочишга уринди. Аммо қоқилиб тушди. Унга йўлбарс етиб олди ва кийимидан судраб кета бошлади. Ўтинчининг ўғли отасини йўлбарс олиб кетаётганини кўргач пичоқ олиб йўлбарс ортидан югурди. Йўлбарснинг юки оғир бўлганлиги сабаб ўтинчининг ўғли унга етиб олди. Йўлбарсга пичоқ урмоқчи бўлганида отаси деди:

- Йўлбарснинг терисини расво қилма. Унинг терисини тешмасдан, йиртмасдан ўлдир. Унинг териси бозорда қиммат туради!

Отасининг гапини эшитган ўғил нима қилишини билмай туриб қолди. Унгача йўлбарс отасини ўрмонга олиб кириб кетди ва уни парчалаб ташлади».

Бахиллик ва бахиллар ҳақида гап кўп.

Ҳасан ибн Али ибн Абу Толиб розияллоҳу анҳу дейди:

«Кишининг сарфлайдиган нарсасини исроф деб, қўлида қолдирадиган нарсасини эса шараф деб эътиқод қилиши бахилликдир!».

«Аллоҳ бир қавмга ёмонликни ирода қилса уларнинг ризқини бахилларнинг қўлида қилиб қўяди!».

Муҳаммад ибн Мункадир.

«Агар бахиллик кийим бўлса уни киймас эдим. Агар у йўл бўлса ундан юрмас эдим!».

Умму Банин.

«Аҳмад ибн Ҳанбал ва Яҳё ибн Маъин билан бирга ўтирган эдим. Улар атрофида жуда кўп инсонлар бор эди. Улар солиҳ инсонлар бахил бўлмаслиги ҳақида ижмо қилишди!».

Ҳубайш Сақафий

«Сахий инсон гарчи фожир бўлсада, кишилар уни яхши кўришади. Бахил инсон гарчи яхши инсон бўлсада, уни кишилар ёмон кўришади».

Яҳё ибн Муоз.

«Кўрқоқлик ва бахиллик ака-укадир!».

Ибнул Қоййим.

«Бахил инсон ўзи учун қаттиқлик қилиб молни бошқаларга жамлайди!».

Жак Бергер

«Мутакаббир билан бахил қанчалар яхши инсон бўлишмасин, эътибор беришга арзишмайди!».

Конфуций

«Бахил шунақа кишики, у бутун умр ҳаётнинг таъмини тотмасдан яшайди!».

Пушкин.

«Бахил ўликнинг кафанига ўхшайди. Унинг чўнтаги йўқ!».

Анис Мансур

«Бахил молиниқидир. Мол бахилники эмас!».

Чехов.

«Кишининг бой ҳолда ўлиш учун фақир бўлиб яшаши жинниликнинг энг юқори чўққисидир!»

Хабиаримана

«Бахиллик, қўрқоқлик ва очкўзлик турли ғаризалардир. Уларни Аллоҳга ҳақида ёмон гумон қилиш жамлайди!»

Аққод.

«Бахил фақирлигига савоб олмайдиган фақирдир!»

Ибнул Қоййим.

Абдулқодир Полвонов тайёрлади